



ОБУНА-92

ВАЪДАНГИЗГА ИШОНАЙЛИКМИ?

Жумҳурият ИИБ ҳайъатининг нашри ҳисобланмиш «Постда» рўзномасининг қайта туғилганига ҳам тўғри ой тўлаяпти. Ана шу қисқа давр ичида ўзимизнинг бир неча минглаб ҳақиқий мухлисларимизни топиб олдик. Яна шуниси қувончлики, уларнинг сафи тобора кенгайиб бормоқда. Буни шу кунларда уюшқоқлик билан ўтказилаётган обуна мавсуми ҳам яққол тасдиқлаб турибди.

— Бизнинг шахсий таркибимизда 96 нафар ходим бор, — дейди Андижон вилоятидаги Хўжаобод тумани ИИБ бошлиғи милиция подполковниги Абдумуталиб ана Эргашев телефонда. — Уларнинг ҳаммаси келгуси йилда «Постда» рўзномасини мунтазам ўқиб бориш имкониятига эга бўлдилар. Ҳатто бошқа корхона ва ташкилотлардан ҳам обуна бўлишни истаётганлар бизга мурожаат қилишяпти. Уларга бу борада ёрдамимизни аямаймиз.

Биз Абдумуталиб акага раҳмат айтиб, Марҳамат тумани ИИБга қўнғироқ қилдик. У ерда 86 нафар ички ишлар ходимларидан 65 нафари рўзномамизга ёзилганини билдиришди.

Олтинқул тумани ИИБ бошлиғи Содиқжон ака Камолов билан боғландик.

— Бизда ҳам рўзнома иштиёқмандлари кўп, — дейди у киши. — 73 нафар ходимларимиздан 80 фоизи обуна бўлишди. Қолганлар ҳам тез орада ёзилишмоқчи...

Сим орқали ана шу суҳбатлардан анча-мунча енгил тордик ва Марғилон шаҳри ИИБга қўнғироқ қилдик. Навбатчилик қисмидаги ўртоқлар бизни бўлим бошлиғи Бахтиёр ака Абдурахмонов билан боғлашди.

— Бахтиёр ака, сизларда неча ходим бор? — деб сўрадик.

— 300 киши...

— Шулардан неча киши «Постда»га обуна бўлишди?

— Ҳали обунани бошлаганимиз йўқ. Энди...

— Наҳотки?

— 20 сентябрь куни маош берилди. Ушанда қиламиз ҳаммани.

Тарвузимиз қўлтиғимиздан тушиб кетди. Истаристамас Қашқадарё вилояти Яқкабоб тумани ИИБдаги ҳамкасбларимизга сим қўлдик.

— Алло, эшитаман! — де

ди бошлиқ ўринбосари Баҳриддин Алиқулов.

Биз ўзимизни таништирдик ва сўрадик.

— Сизларнинг бўлимнингизда қанча одам ишлайди?

— 100 нафар ходимимиз бор.

— Обуна масаласи қандай бўлаяпти?

— Ҳали бошламадик. 20-числода обуна бўламиз энди.

Чироқчи тумани ИИБ бошлиғининг ўринбосари милиция капитани Худойберди Мейлиев билан савол-жавоб қилдик.

— Бизда юз нафардан ошқироқ ходим бор, — деди ўртоқ Мейлиев.

— Буни қандай тушуниш керак? Юздан қанча ошиқ?

— 20 та.

— Обуна бўлаяпсизларми рўзномамизга?

— Ҳа, шахсий таркибнинг ярми обуна бўлиб улгурди.

— 60 кишими?

— Йўқ, 48 киши.

— Нима, қолганлар хоҳлашмади?

— Йўқ, нега энди, 20 сентябрь куни маош олгандан кейин...

Бу савол-жавобларни эшитиб, кулишни ҳам, куйишни ҳам билмай қоласан, киши. Тўғри, ҳозирги пайтда қайси рўзномага обуна бўлади — бу ҳар кимнинг ўзига ҳавола. Ихтиёрий. Ленин масаланинг бошқа томони ҳам бор.

Юқорида айтганимиздек, «Постда» вазирлик ҳайъатининг нашри. Бошқача айтганда, ҳуқуқ-тартибот ҳимоячилари овози. Бу соҳадаги ҳар қандай янгилик аввало шу рўзномада чоп этилади. Қолаверса, бошқа вилоят ёки тумандаги ҳамкасблар тажрибасидан огоҳ бўлиш ҳар бир милиция ходими учун кони фойда. Бошқалар тажрибасини ўзлаштирган ҳолда маҳоратни ошириш ва шу тариқа халқ билан яқинлашиш лозим. Бизнингча, бошқа йўл йўқ. Наҳотки, юқорида тилга олинган ИИБлар раҳбарлари шу нарсани тўшуншмаса ёки аҳамият беришмаса?

Агар эътибор қилган бўлсангиз, уларнинг аксарияти 20 сентябрь куни обунани юз фоиз қилиб бажарамиз, деб ваъда қилишди.

Ваъдалар бизни тинчлантириш учунгинами ёки амалда бажарилган ишми — буни вақт кўрсатади.



Хонадонлардан, саноат корхоналаридан, турли идоралардан махсус ўт ўчириш қисмларига ногаҳон телефон қўнғироқлари бўлиб туради.

Тулистондаги I-махсус ҳарбийлашган ўт ўчириш қисмида бўлганимизда, жангчилар ўз бошлиқларидан тил-

сиз ёвни тез жиловлаш, ёнғинда қолган кишиларни бешикаст қутқариш борасида нималарга аҳамият бериш зарурлигини эшитаётганлиги устидан чиқиб қолдик.

Ўт ўчириш қисми бошлиғи ички хизмат майори Гуломжон Каримов ва унинг ўрин-

босари Бахтиёр Жумалиев ўз ходимларига топшириқ беришди (I-сурат). Бир зум ўтмай оловдан ҳимоя қилувчи махсус уст-бош кийган жангчилар ўз машинаси томон югуриб кетдилар (2 сурат).

(Давоми 3-бетда)



ТАШМАЧИННИ ТАНИЙСИЗМИ?

Қува тумани ИИБ ҳузуридаги кўриқлаш бўлими бригада бошлиғи Мўминжон Қосимов назоратдаги объектларни кўздан кечириб, кечаси соат тўртларда Қува мебель комбинати орқа деворидан кимдир мебельнинг ҳар хил қисмларини ўмарабтангани сездим. Назоратчини сезиб қолган ўғри ҳамма нарсани ташлаб, қочиб қолди.

Мўминжон кўрган-кечирганлари ҳақида бўлим бошлиғи милиция майори Жўрабой Сидиковга зудлик билан хабар берди. Орадан кўп ўтмай у киши милиция капитани Зокиржон Ашуров, милиция лейтенанти Раҳимжон Ортиқов, назоратчи Раҳимддин Норкуловларни эргаштириб, воқеа жойига етиб келди.

Ичкаридан ташиб чиқарилган мебель қисмлари шундоққина катта йўл ёқасида — йўлда ётарди. Ҳисоблаб кўришса,

уларнинг умумий баҳоси 121 сўм 37 тийинни ташкил қилди.

Қидирув ишлари натижасида шу комбинатнинг пердозлаш ва йиғиш цехи ишчиси, 1958 йилда туғилган, туман ҳудудидagi Октябрь қишлоғида истиқомат қилувчи Очил Исмоилов қўлга олинди. Унга нисбатан ЖМнинг 114-моддаси I-қисмига асосан жиноий иш қўзғатилди.

Шу ўринда бизни бир савол ўйлантираётди. Корхона раҳбарлари сезмаган воқеани рўзнома орқали уларга билдирдик. Энди улардан қандай садо чиқаркан? Уз жамоа аъзолари ҳақида кўз олайтирган Очил Исмоиловга қандай муносабатда бўлишаркан?

Биз бу ҳақда Қува мебель комбинати раҳбариятидан жавоб кутамиз.

Раҳимжон РАҲИМОВ,
милиция катта сержанти.

АЪЗОЛИК БАДАЛИ—ЁРДАМ КўРСАТИШ ЖАМҒАРМАСИГА

Жумҳурият Президенти Фармониға мувофиқ ички ишлар идораларида сиёсий фирқалар фаолияти тўхта-тилди. Шу кунларда ҳуқуқ-тартибот идораларидаги бошланғич фирқа ташкилотлари сўнги йиғилишларини ўтказишмоқда.

Ички ишлар вазирлиги шахсий таркибни ижтимоий, ҳуқуқий ҳимоя қилиш ва тарбиялаш ҳамда «Постда» рўзномаси коммунистлари мана шундай йиғилишда саҳоватли ишга қўл уришди. Улар йил бошидан буён тўланган аъзолик бадалларидан ўзларига тегишли 310 сўмни ички ишлар идораларининг ҳалок бўлган ходимлари оилаларига ёрдам кўрсатиш жамғармасига ўтказишди.

Гап пулнинг миқдориде эмас, гап кечагина сиз билан бизнинг саҳифамизда бўлган ҳамкасбимиз хонадонига хиёл тиргак бўлишди. Уйлаймизки, кўпчилик бу ташаббусни қўллайд.

Ғ. ЖУРАЕВ.

МУХЛИСЛАРИМИЗ ДИҚҚАТИГА!

«Постда» рўзномасига барча алоқа бўлимларида 1992 йил учун обуна чекланмаган миқдорда қабул қилинмоқда. Рўзномага жамоагчи обуна гарқатув чилар ёрдамида ҳам ёзилиш мумкин.

Рўзноманинг обуна рақами (индекс) — 64615.

Обуна баҳоси — бир йилга 15 сўм 60 тийин, олти ойга 7 сўм 80 тийин, 3 ойга 3 сўм 90 тийин.

Эслатиб ўтамиз, обуна учун олинадиган президентлик солиғи бекор қилинди.

Демак юқорида кўрсатилган обуна нарҳига ҳеч қандай қўшимча пул тўламасдан рўзномага ёзилиш мумкин.

